

Zakon o pomilovanju FBiH ugrožava državnu nadležnost

Zastupnički dom FBiH će razmatrati nacrt Zakona o pomilovanju FBiH na sutrašnjoj sjednici tokom koje će poslanici imati priliku da izmjene nacrt ovog zakona.

Predsjedničko pomilovanje je zadnji instrument i daje se samo u izuzetno ograničenim okolnostima.

S obzirom na zabrinutost koja je izražena u pogledu česte upotrebe predsjedničkih pomilovanja u ranijem periodu, visoki predstavnik je prošle godine donio Odluku kojom se suspenduje upotreba predsjedničkog pomilovanja na entitetskom, državnom, kao i na nivou Distrikta Brčko, do usvajanja novog zakona koji će na odgovarajući način ispraviti propuste iz prethodnog zakona. Odgovarajući zakoni su usvojeni na državnom, kao i na nivou Republike Srpske.

Međutim, pravni propusti koji su dosad omogućavali političarima da daju pomilovanja svojim prijateljima i stranačkim kolegama nisu u potpunosti ispravljeni u nacrtu zakona koji će biti predstavljen Predstavničkom domu FBiH. Ukoliko se usvoji u verziji koju je predložila ministrica pravde FBiH, ovaj zakon će ugroziti ovlasti Predsjedništva BiH i Suda BiH tako što će nadležnim organima na nivou FBiH dodijeliti ovlasti da daju pomilovanja u slučajevima u kojim, prema zakonu BiH, samo Predsjedništvo Bosne i Hercegovine može dati pomilovanje.

Usvajanje Zakona o pomilovanju u skladu sa državnim zakonom je takođe neophodno kako bi se završila reforma krivičnog prava u BiH. Sličan zakon u kojem je u potpunosti ispoštovana nadležnost države BiH je usvojen u Republici Srpskoj početkom ovog mjeseca.